

Lainim long stap wantaim Guria



1. GURIA EM I WANEM?

Guria i save kamap taim igat buruk insait long graun.

- Dispela buruk i save kamap taim graun aninit i lusim strong blong en.
- Ol mauten paia, ol bikpla pairap na ol graun buruk long mauten tu i ken kamapim guria.

Taim guria i kamap insait long graun, em i go aut olsem win. Pawa blong en i sekim graun na i save spit tru olsem sampela kilometa long wan seken (km/sec).

Guria i ken sekim strong ol haus, bris na ol diwai istap klostu long hap we em i kamap.

Ol guria tu i ken kamapim sunami.

2. OL SAMTING BLONG MEKIM TAIM GURAI I KAMAP

a) Sapos yu stap insait long haus;

- Yu mas stap insait.
- Stap isi na no ken poreit.
- Larim ol doa i op istap, nogut bai bagarap na pasim rot blong ronawei.
- Stap longwei long ol windoa.
- Hait aninit long ol strongpela tabel na bet.

b) Sapos yu stap ausait long haus;

- Safe hap em ol ples we i nogat haus na diwai long en. Yu mas stap inap ol seksek i pinis.
- Yu noken go klostu long ol haus guria i bagarapim pinis, ol diwai na ol pos blong pawa.
- Sapos yu ron long kar, ron isi igo na pasim long hap ples i klia long en.

3. BIHAIN LONG GURIA

- Sapos yu stap insait long haus we guria i bagarapim pinis, yu mas passim pawa, gas na wara.
- Sapos paia i kirap, traim long kilim dispela paia kwiktaim.
- Pasim ol sua nabaut sapos yu kisim bagarap long taim blong guria.
- Sekim ol haus lain na ol lain husat i stap klostu – nogut ol bai nidim halivim tu.
- Yu mas stap na sambai – ol arapela liklik guria bai i kamap yet, bihainim dispela we i bin kamap pinis.
- Yu mas tingim tu olsem ol bikpela guria ken kamapim sunami – olsem na stap sambai na putim was tu long dispela toksave.

4. REDI LONG TAIM NOGUT BLONG GURIA

Putim liklik radio, tos, batri, liklik marasin, kaikai na wara istap sambai oltaim blong usim sapos taim nogut blong guria i kamap.

Long kisim moa toksave, kontakim:

*Port Moresby Geophysical Observatory
P O Box 323, Port Moresby, NCD, Papua New Guinea
Tel: + (675) 3214500, Fax: + (675) 321 3976
Email: pmgo@daltron.com.pg*

*National Disaster Centre
P O Box 4970, Boroko, NCD, Papua New Guinea
Tel: + (675) 301 4700/301 4703
Fax: + (675) 301 4747
Email: info@pngndc.gov.pg*

